



Vote sur l'ensemble du projet de loi 8056 et dispense du second vote constitutionnel

8. 8109 – Projet de loi portant modification de :

- 1° la loi modifiée du 10 août 1991 sur la profession d'avocat ;
- 2° la loi modifiée du 7 novembre 1996 portant organisation des juridictions de l'ordre administratif ;
- 3° la loi modifiée du 21 juin 1999 portant règlement de procédure devant les juridictions administratives ;

en vue du renforcement des effectifs de la justice administrative et de la numérisation des procédures urgentes devant le tribunal administratif

p. 68

Rapport de la Commission de la Justice : M. Charles Margue (interventions de M. François Benoy et Mme Martine Hansen)

Discussion générale : M. Léon Gloden | M. Guy Arendt | M. Yves Cruchten | M. Fernand Kartheiser | M. Marc Goergen

Prise de position du Gouvernement : Mme Sam Tanson, Ministre de la Justice

Vote sur l'ensemble du projet de loi 8109 et dispense du second vote constitutionnel

9. 8179 – Projet de loi portant modification de la loi du 21 mars 2006 sur les équipes communes d'enquête aux fins de transposition de la directive (UE) 2022/211 du Parlement européen et du Conseil du 16 février 2022 modifiant la décision-cadre 2002/465/JAI en ce qui concerne sa mise en conformité avec les règles de l'Union relatives à la protection des données à caractère personnel

p. 69

M. Fernand Etgen, Président

Vote sur l'ensemble du projet de loi 8179 et dispense du second vote constitutionnel

10. Question élargie n° 189 de M. Laurent Mosar au sujet du baromètre de l'économie de la Chambre de Commerce

p. 70

M. Laurent Mosar | M. Franz Fayot, Ministre de l'Économie | M. Laurent Mosar | M. le Ministre Franz Fayot

11. 7930 – Projet de loi visant à mettre en place un régime d'aides destinées à promouvoir la réalisation de projets importants d'intérêt européen commun

p. 72

Rapport de la Commission de l'Économie, de la Protection des consommateurs et de l'Espace : Mme Francine Closener

Discussion générale : M. Laurent Mosar | M. André Bauler | Mme Semiray Ahmedova | M. Fernand Kartheiser | M. Sven Clement

Prise de position du Gouvernement : M. Franz Fayot, Ministre de l'Économie

Vote sur l'ensemble du projet de loi 7930 et dispense du second vote constitutionnel

12. 8061 – Projet de loi portant sur les préemballages non revêtus du symbole « e » et la vente en vrac dans le secteur de la métrologie légale

p. 74

Rapport de la Commission de l'Économie, de la Protection des consommateurs et de l'Espace : M. Carlo Weber

Prise de position du Gouvernement : M. Franz Fayot, Ministre de l'Économie

Vote sur l'ensemble du projet de loi 8061 et dispense du second vote constitutionnel

13. 8122 – Projet de loi portant réorganisation de l'Administration de la gestion de l'eau et modification de la loi modifiée du 19 décembre 2008 relative à l'eau

8123 – Projet de loi portant réorganisation de l'Administration de la nature et des forêts

p. 75

Rapport de la Commission de l'Environnement, du Climat, de l'Énergie et de l'Aménagement du territoire sur le projet de loi 8122 : Mme Stéphanie Empain

Rapport de la Commission de l'Environnement, du Climat, de l'Énergie et de l'Aménagement du territoire sur le projet de loi 8123 : Mme Stéphanie Empain

Discussion générale : Mme Martine Hansen | M. Gusti Graas | Mme Cécile Hemmen | M. Fred Keup | Mme Nathalie Oberweis | M. Marc Goergen

Prise de position du Gouvernement : Mme Joëlle Welfring, Ministre de l'Environnement, du Climat et du Développement durable

Vote sur l'ensemble du projet de loi 8122 et dispense du second vote constitutionnel

Vote sur l'ensemble du projet de loi 8123 et dispense du second vote constitutionnel

Au banc du Gouvernement se trouvent : M. Xavier Bettel, Premier Ministre, Ministre d'État ; M. Marc Hansen, Mme Sam Tanson, M. Franz Fayot et Mme Joëlle Welfring, Ministres.

(La séance publique est ouverte à 14.31 heures.)

1. Ouverture de la séance publique

M. Fernand Etgen, Président | Ech maachen d'Sitzung op.

Huet d'Regierung eng Kommunikatioun ze maachen?

M. Xavier Bettel, Premier Ministre | Nee, Här President.

2. 8150 – Projet de loi portant modification de la loi électorale modifiée du 18 février 2003

M. Fernand Etgen, Président | Den éischte Punkt um Ordre du jour vun de Mëtten ass de Projet de loi 8150, eng Ofännerung vum Walgesetz. D'Riedezäit ass nom Basismodell festgeluecht. An d'Wuert huet elo de Rapporteur vun dësem Projet de loi, den honorablen Här Guy Arendt. Här Arendt, Dir hutt d'Wuert.

Rapport de la Commission des Institutions et de la Révision constitutionnelle

M. Guy Arendt (DP), rapporteur | Merci, Här President. Léif Kolleeginnen a Kolleegen, Här Minister, mat dem Projet de loi, deen ech Iech haut elo virstellen, gëtt d'Walgesetz vum 18. Februar 2003 ofgeännert, ënner anerem fir Erwuessenen, déi ënner Tutelle stinn, d'Walrecht ze ginn.

Ab dem 1. Juli vun dësem Joer ass d'Gesetz vum 17. Januar 2023 a Kraaft, dat d'Kapitele IV a Vbis vun eiser Verfassung revidéiert. Bis elo stoung an der Verfassung, dass volljäreg Persounen ënner Tutelle vum Walrecht automatesch ausgeschloss sinn. Dëst wäert sech an Zukunft elo änneren. Déi nei Gesetzgebung verzicht op den automateschen Ausschluss vum Walrecht fir Leit ënner Tutelle. Par konter erlaabt den neien Artikel 64 vun der Verfassung et dem Gesetzgeber, Dispositiounen virzugesinn, dass d'Walrecht an d'Eligibilitéit kënnen an eenzele Fäll fir Leit ënner Tutelle verbuede ginn – ech betounen: an eenzele Fäll. D'Decisioun, fir esou e Verbuut auszesprechen, ënnerläit allerdéngs der Kontroll vum Juge des tutelles, deen all Fall individuell ënnersicht, éier eng Entschéedung getraff gëtt.

Wat mat deem neien Artikel 64 vun der Verfassung och erreecht gëtt, ass d'Konformitéit zum Artikel 29 vun der Konventioun vun de Vereenten Natiounen iwwert d'Rechter vun de Persounen mat engem Handicap an d'Konformitéit zu hirem fakultative Protokoll. Iwwregens huet Lëtzebuerg déi Konventioun 2011 ratifizéiert. Et gouf dunn entscheet, d'Dispositiounen vun der Konventioun progressiv unzewennen an ëmzesetzen, mat Hëllef vun engem Nationalen Aktionsplang iwwert d'Ëmsetzung vun der UN-Behindertenrechtskonventioun 2019–2024.

Mam Text, deen haut virläit, soll d'Konformitéit mam Artikel 29 vun der Konventioun erreecht ginn, a wéi

schonns gesot, andeems d'Walrecht vu Persounen mat engem Handicap erhalen bleift an d'Walverbuut fir Erwuessenen ënner Tutelle an der Verfassung an am Walgesetz ofgeschaaft gëtt.

En anere Punkt am Projet de loi sinn d'Sanktiounen, wann een net wile geet. D'Walrecht gesäit nach ëmmer esou Sanktiounen vir.

Fir ze verhënneren, dass dat vu Persounen ënner Tutelle nei erworben Walrecht zum Nodeel fir déi Leit gëtt, ass virgesinn, dass si automatesch entschëllegt sinn, wa si net wile ginn. Si kënnen also wile goen, et gëtt awer keng negativ Konsequenz fir si, wa si dat net maachen.

Wichtig ze soen ass och, dass de Gesetzestext kohärent ass, andeems e volljäreg Leit ënner Tutelle erlaabt, wilen ze goe bei de kommunalen, legislativen an europäesche Wälen.

De Gesetzestext gesäit och vir, dass déi sougenannt vulnerabel Persounen sech kënnen um Dag vun de Wälen bis an d'Walkabinn begleet loossen. Mat där Dispositioun wäerten an Zukunft och volljäreg Persounen ënner Tutelle a Wieler, déi e mentalen Defizit hunn, sech an d'Walkabinn begleet kënnen loossen. Dëst ass eng Moossnam aus dem schonn erwänten nationalen Aktionsplang, déi soumat ëmgesat gëtt. Ech wëll awer nach ervirhiewen, dass déi Begleetpersoun net onbedéngt e Wieler muss sinn.

Eng weider Ännerung am Walgesetz ass, dass d'Bierger net méi wäerten d'Méiglechkeet hunn, eng Kopie

vun der Lëscht mat de Reklamatiounen, wat d'Kandidatëlëscht betrëfft, unzefroen. Heibäi geet et drëms, de Schutz vun de perséinlechen Donnéeën vun de Leit, déi Reklamatiounen agereecht hunn, ze stäerken. Alldéngs hu se Asiicht drop, a jiddwereen huet Asiicht drop, mee kann net eng Kopie dovunner froen.

Nach eng weider Ännerung am Walgesetz ass, dass d'Logoe vun de politesche Parteien, déi een hunn, an Zukunft um Walziedel opgezeechent sinn. Dëst wäert bei den nationale Walen an den europäesche Walen de Fall sinn. Dës Mesür ergëtt sech och aus dem nationalen Aktionsplang. D'Zil ass, de Walziedel esou lieserlech wéi méiglech ze maachen. Et soll fir Persounen mat mentaler oder physischer Defizienz esou einfach wéi méiglech sinn, de Walziedel auszufüllen. Ze bemerken ass, dass dës Mesür momentan nach net bei de kommunale Wale gëllt, aus dem Grond, dass politesch Parteien oder Gruppementer net onbedéngt e Logo hunn. En anere Grond ass, dass d'Parteilogoen nëmmen a Proporzgemenge méiglech wieren.

Ech géif dann och nach kuerz op d'Avisen agoen, déi zu dësem Projet de loi virleien. De Staatsrot huet a sengem Avis zwou Opposition-formellé virgeluecht. Bei der éischter ass et ëm d'Informatiounen iwwert d'Mise sous tutelle gaangen, déi un de Schaffen- a Gemengerot geschéckt gi vun der Gemeng, an där d'Persoun, déi sous tutelle ass, ugemellt ass. Bei der zweeter Opposition formelle goung et ëm Kohärenzproblemer. D'Logoe vu politesche Parteien souwuel wéi och vu Gruppementer vu Kandidaten sollen um Walziedel ze gesi sinn. Déi béid Opposition-formellé goufen opgehuewen, nodeems Ajustementen um Gesetzestext gemaach goufen.

De Centre pour l'égalité de traitement huet ugemierkt, dass een de Logo vun de politesche Parteien och hätt kënne bei de Gemengewalen op de Walziedel dropginn, fir e méi liicht lieserlech ze maachen. E stellt och d'Noutwendegkeet vum Mécanisme d'excuse automatique a Fro.

De Conseil supérieur des personnes handicapées ass der Meenung, dass d'Exklusioun vun de Wale vun de Persounen sous tutelle zanter 1982 et justifiéiert a quasi imposéiert, e Mécanisme d'excuse automatique anzeféieren. E bemierkt, dass net nëmmen d'Logoe vun de politesche Parteien um Walziedel néideg sinn, mee och d'Benotzung vun einfacher Sprooch bei allen Aspekter vun de Walen.

Dat zu de verschiddenen Avisen. Fir weider Explikatiounen kënnt Der Iech op mäi schrëftleche Rapport beruffen. An ech soen Iech alleguer Merci fir d'No-lauschteren an ech ginn elo schonn den Accord vun der Fraktioun vun der Demokratescher Partei zu dësem Text.

Une voix | Très bien!

M. Fernand Etgen, Président | An ech soen dem Här Rapporteur Guy Arendt Merci.

An d'Wuert ass direkt fir den éischten ageschriwwene Riedner, den Här Léon Gloden.

Discussion générale

M. Léon Gloden (CSV) | Merci, Här President. Erlaabt mer, direkt dem Rapporteur Merci ze soe fir säi schrëftlechen a mündlechen Rapport. Här President, dat hei ass e kuerze Projet, mee e wichtege Projet, well et e kloert Zeeche fir d'Inklusioun ass. Et si Leit, déi leider vläicht e Bobbo hunn, an et ass wichtege, deenen awer d'Méiglechkeet ze ginn, dat wichtegst Recht, wat mer hunn an enger Demokratie, kënne wouerzehuelen a wielen ze goen.

Leider gëtt et um europäesche Kontinent nach ëmmer Länner, wou dat net esou garantéiert ass, an dofir ass

dat och e wichtege Message an et ass och e wichtege Schrëtt, deen eeben elo gemaach gëtt duerch déi nei Verfassung, déi och den 1. ..., déi de Samschdeg a Kraaft trëtt. Et ass e wichtege Message hei vum éischte Pouvoir och no baussen, an duerfir steet d'CSV och honnertprozenteg hannert dësem Projet de loi.

Mir sinn och eent vun deene seelene Länner bis elo, déi de Logo vun de Parteien net op de Bulletins de vote hunn. Wann een d'Noriichten dobaussé gesäit, an anere Länner, do gesäit een ëmmer grouss de Logo. Do wier just meng Fro un de Premierminister, ob de Logo faarweg ass op deene Bulletinen oder ob de Logo schwaarzweiß ass. Mir als CSV hätten eng Präferenz derfir, dass e faarweg wier, well d'Leit sech einfach mat de Faarwen och vun deene jeeweilege Parteien identifizéieren.

Dëst gesot, merci nach eng Kéier a mir ginn den den Accord vun eiser Fraktioun.

M. Fernand Etgen, Président | Merci, Här Gloden. An den nächsten ageschriwwene Riedner ass den honorablen Här Mars Di Bartolomeo.

M. Mars Di Bartolomeo (LSAP) | Merci, Här President. No deem exzellente Rapport vum Kollege Guy Arendt an och der Interventioun vum Léon Gloden ass quasi alles gesot. Mir ënnerstëtzen deen heite Projet de loi voll a ganz, well et d'Rechter vun de Leit, déi ënner Tutelle sinn, déi schonn eng ganz Rei vu Rechter ewechgeholl kruten, stäerkt, besonnesch dass se kënne gewielt ginn a wielen. Wat d'Logoen ugeet: kee Problem. Wat d'Fuerwen ugeet, géif ech mengen, dass een dann Interêt hätt, d'Fuerwen net ze oft ze wiesselen, well dann ass den Erëmerkungswäert net esou grouss.

(Hilarité)

Dat gesot, Här President, merci alle Kollegen ...

M. Léon Gloden (CSV) | Léiwert d'Faarwe wiesselen, wéi wann d'Memberen d'Parteien wiesselen.

(Hilarité générale)

M. Mars Di Bartolomeo (LSAP) | Wësst Der, wësst Der, do si mer eis erëm eng Kéier eens. Wann ech déi Nouvellé vu Monnerech héieren, da gëtt et Leit, déi de Verrot gär hunn, awer de Verréider net.

Une voix | Schwätzt zum Thema, Här Di Bartolomeo!

(Exclamations et hilarité)

M. Fernand Etgen, Président | Mir schwätzen hei vum Projet de loi 8150 an net vu Monnerech, an domadder ginn ech d'Wuert weider un de honorablen Här Charles Margue.

M. Gilles Roth (CSV) | Dat war ze vill nom Mëttegiesen.

M. Mars Di Bartolomeo (LSAP) | Här President, ech hunn de Message verstanen.

M. Charles Margue (déi gréng) | Merci dem Guy Arendt fir de Rapport. Mir hunn an der Institutiounskommissioun jo dëslecht driwwer geschwat. Als Gréng si mir wierklech frou – mir wiesselen d'Faarf wierklech net oft –, fir kënne hei e Projet ze maachen, wou d'Inklusioun groussgeschriwwé gëtt. All Mënsch huet d'Recht, huet och d'Walrecht. Et ass e Grondrecht, wat bis elo iergendwéi aus wéi engen Ursaachen och ëmmer net esou beuecht ginn ass.

Ech sinn och frou, dass eng Personne de confiance ka mat eragoen, déi net onbedéngt muss e Wieler sinn. Dat ass alles gutt. An ech hu just bedauert och an der Diskussioun, wat d'Logoen ugeet, dass mer fir d'Gemengewalen nach net esou wäit waren. Selwer plädéieren ech derfir, dass och an de Majorzgemenge Logoe sollten derbäikommen, well mir hunn

et gesi viru 14 Deeg: all déi verstoppt Lëschten, déi sech do hanner eenzelen Nimm verstoppen. Et wär gutt, fir dass jiddweree géif erkennen, wien zu wem géif gehéieren. Ech hunn déi Erfahrung och kënne maachen, wéi ech elo vill mat Walmissiounen mat der OSZE ënnerwee war, an do ass ganz oft och de Logo als Widdererkennungszeeche kloer op de Walziedele schonn derbäi. Et ass keen Novum, mee et wär eng gutt Saach, wa mer dat kéinte maachen.

Merci an ech ginn den Accord vun der grénger Fraktioun.

M. Fernand Etgen, Président | Merci, Här Margue. An dann ass et um Här Fernand Kartheiser.

M. Fernand Kartheiser (ADR) | Jo, Här President. Och vun eiser Säit aus dem Här Arendt e grouss Merci. Ech mengen, et ass wierklech eng Saach – an d'Virriedner hunn et alleguer betount – vun Inklusioun a wou mir kënne houfreg sinn, wa mer hei zu Lëtzebuerg Schrëtt an déi dote Richtung maachen. Mir hunn dofir och, well et jo awer eng Problematik ass, déi eis alleguer um Häerz läit, déi Avice genee gekuckt, och vun deene Gruppen, déi sech besonnesch fir d'Rechter vun deene behënnerter Leit asetzen, an et ass eis opgefall, dass deen een oder anere Kommentar drop higewisen huet, dass eventuell kéint e Widdersproch bestoen tëschen der neier Verfassung an der Behënnerterrechtskonventioun, déi mer jo hei ratifizéiert haten. Ech mengen, den Här Arendt hat rappeliert, dass dat 2011 war.

Mir wäerten op jidde Fall déi Saach weider kucken, well ech mengen, wann dat wierklech esou sollt sinn – mir wäerten déi Analys sécher maachen –, da musse mer eventuell nobesseren, Ech mengen, et kann net sinn, dass mer zwou Konventiounen ... oder eng Konventioun hei ratifizéieren a gläichzäiteg eng Verfassung adoptéieren, déi awer dann am Widdersproch géifen zueneen stoen. Dofir musse mer dat iwwerpräiwen. Mir wäerten dat maachen.

Dat gesot, d'Ënnerstëtzung vun der ADR a villmools merci.

M. Fernand Etgen, Président | Merci, Här Kartheiser. An ech ginn d'Wuert weider un d'Madamm Nathalie Oberweis.

Mme Nathalie Oberweis (déi Lénk) | Här President, mir begrëssen och ausdrécklech dëse Projet de loi, dee jo da virgesäit, dass Leit, déi ënner Tutelle sinn, net méi ausgeschloss si vum aktiven a vum passiven Walrecht. Esou eng automatesch Exklusioun, wéi se bis elo existéiert huet, ass jo contraire zu der Convention des Nations Unies vun den Droits vun de Personne-handicapéierten an och dem fakultative Protokoll souwéi der Rechtsprechung vun der Cour européenne des droits de l'homme, déi virgesinn, dass eng Exklusioun eeben nëmmen no enger individueller Analys vun der jeeweileger Persoun a Betruecht ka gezu ginn.

Mir begrëssen dofir ausdrécklech dëse Projet de loi an als Lénk Partei maache mir eis jo staark fir eng méi staark politesch Participatioun, méi staark Inklusioun a Gläichberechtigung. Dofir si mir jo och fir d'Walrecht fir Leit ab 16 Joer an och fir Netlëtzebuergen an dësem Land an droen ausdrécklech dat heiten och mat.

Villmools merci.

M. Fernand Etgen, Président | Merci, Madamm Oberweis. An da steet den Här Sven Clement prett.

M. Sven Clement (Piraten) | Merci, Här President. Léif Kolleginnen a Kollegen, fir d'éischt wierklech e grouss Merci un de Guy Arendt, deen hei e gudde mündlechen a schrëftlechen Rapport presentéiert konnt. Zu deem heite Projet kann een als Éischt emol soen: endlech! Endlech e längst iwwerfällige Schrëtt

an déi richteg Richtung! Well mat deem aktuelle Walgesetz hu Leit, déi ënner enger Tutelle stinn, net dierfe wile goen, an dat ass en absoluten No-Go.

Dës Leit goufen einfach vum Wielen ausgeschloss, wat manifestement eng Diskriminéierung ass, an dat kann een och net anescht nennen oder schéischwätzen. An dowéinst gëtt et héich Zäit, dass mer och dës Membere vun eiser Gesellschaft d'Méiglechkeet ginn, fir eebe wile ze goen. Well och Persounen, déi ënner enger Tutelle stinn oder déi zum Beispill e mentalen Handicap hunn, gehéieren zu eiser Gesellschaft derzou a solle genausou dorunner deel kënnen huele wéi all déi aner Leit och. An och wann een e mentale Problem huet oder ënner enger Tutelle steet, soll ee kënnen wile goen, well net all mentale Problem be-
deit, dass een net bewosst an enger Walkabinn ka seng eegen Entscheedung treffen oder fir sech iwwerleeën, wéi eng Partei oder Persoun an deemjéinege sengen Ae seng Interessien am beschte vertritt.

Mir begreissen et dann och doriwwer eraus, dass d'Loge vum de Parteien dierfen op de Walziedelen ofgebilt ginn. Dëst mécht et de Leit – an zwar net nëmme Leit mat Handicap, mee jiddwerengem – méi einfach, d'Parteien erëmzeerkennen, an dréit zu enger besserer Visibilitéit bäi.

Ech hu virdu vum engem Schrëtt an déi richteg Richtung geschwat, mee mir sinn nach net do ukomm, wou mir als Land missten hikommen, well fir d'Piraten gehéieren nach aner Aspekter zu engem inklusive Walrecht. Mir mussen zum Beispill och iwwert d'Visibilitéit an d'Accessibilitéit vun eise Walbüroen – fänke mer domadder un –, mee och vun eise Walziedele schwätzen. D'Libilitéit dovunner léisst heiansdo ze wënschen iwwereg a wann ech verschidde Walkabinne kucken, wäert et – a mir gesinn alleguer d'Walziedele virun eis – en Challenge ginn, ob déi allegueren ëmmer do op den Dësch passen. Och dat, d'Maniabilitéit, d'Accessibilitéit, och d'Libilitéit vun deene Walziedele missten an eisen Ae kloer nach eng Kéier op de Leescht geholl ginn.

Ee Punkt wëll ech dann awer nach umierken, och wann et net direkt mam Walgesetz ze dinn huet, mee mat der Tutelle: Mir brauchen endlech e modernt Gesetz. Schued, dass d'Madamm Tanson, déi de ganze Moie hei bei eis war, dat elo net héiert, mee mir brauchen e modernt Tutellesgesetz, well dat aktuell Gesetz ass absolut net méi ugepasst a muss endlech verbessert ginn, an dat esou séier wéi méiglech! An ech verstinn net, wéi mer dodrobber déi lescht zéng Joer net weiderkomm sinn.

Ech soen Iech Merci.

M. Marc Goergen (Piraten) | Ganz gutt!

M. Fernand Etgen, Président | Merci, Här Clement. An de leschten ageschriwwene Riedner ass den hono-
rabelen Här Gilles Roth.

M. Gilles Roth (CSV) | Merci, Här President. Ech hu mech noageschriwwen. Selbstverständlech huet de Léon Gloden d'Position vum der CSV duergeluecht, mee ech stelle mer éierlech gesot d'Fro, ob net un der Zäit wier, fir erëm eng Kéier iwwert de sougenannte „Vote électronique“ nozedenken.

Dir wësst, dass mer de Covid haten an dass do an der Digitalisatioun och am Kontakt mat de Verwal-
tunge immens grouss Progrès gemaach goufen. An den Här Wolter hat virun zwou Wochen d'Fro op-
geworf vis-à-vis vum der Madamm Bofferding vum deene villen ongültge Walziedelen. An ech menge ganz éierlech, dass, wann d'Leit d'Méiglechkeet hät-
ten, zumindest déi, déi an d'Kabinn géife goen – dat heescht net déi vill, déi de Vote par correspondance
maachen –, d'Walziedele auszufüllen op Ecranen ..., well d'Leit gi jo och, wa se op eng Bank ginn, fir Suen,

e Retrait ze maachen, e Code an a si drécken an op dem Ecran, wat fir eng Schäiner dass se wëllen ..., ob een net sollt eng Kéier e Pilotprojet starten, fir dat an enger nächster Walperiod ze préiwen.

Dat hätt eng Rei vun Avantagen. Éischtens, dass, men-
gen ech, déi vill ongültge Walziedelen, géifen ecartéiert ginn, well een nëmme kéint säi Walziedel validéieren, wann een e gültge ausgefëllt huet an net d'Partei ge-
stëmmt an – ech weess net – zwou Stëmme dem Spët-
zekandidat ginn huet, wat awer vill de Fall war. A virun
allem wier dat Walresultat awer da méi séier do, wéi
dass d'Kandidaten an anerer missten aacht oder méi
Stonne waarden, fir ze kucken, wat hannen erauskomm
ass. Also, ech géif déi Suggestioun maachen.

Ech weess, dass ka jo elo net à l'immédiat geschéien,
mee dass een dat fir eng nächst Walperiod awer kéint
préiwen, en vue och notament vum den informati-
sche Fortschrëtt, déi et gëtt. An ech mengen, déi
Systemer, déi wärend securitéitsméisseg esou assuré-
iert, dass dat ouni Problem kéint oflafen.

Une voix | Ech si ganz domat d'accord.

M. Fernand Etgen, Président | Merci, Här Roth. An
dann huet d'Madamm Simone Beissel d'Wuert gefrot.

Mme Simone Beissel (DP) | Merci, Här President.
Ganz kuerz, ech mengen, dat, wat de Gilles Roth hei
seet, dass ass ganz interessant an dat ass no de Geme-
gewalen erëm eng Kéier thematiséiert ginn. Ech hunn
awer e grouse Souci. Quitte dass déi 3.000 Bulletinen
do nul waren a gesot ginn ass: „Et ass erëm eng Kéier
falsch ofgestëmmt ginn“, dass een do de Problem
duerch d'Validatioun kéint verhënnern, hu mer awer
e Monsterproblem vu Sécuritéit. An ech soen Iech dat:
Mir haten e Méindeg eng grouss Cyberattack op d'Ge-
meng Lëtzebuerg, wou se d'City of Luxembourg ...,
wou se wollten u sech d'Aussenministerkonferenz stier-
men an do hu se „commune of Luxembourg“ mat der
„city of Luxembourg“ verwieselt, mee peu importe, de
ganze System louch lam.

An da musse mer awer Systemer fannen, wa mer
dat dote maachen, momentan an dësen Zäiten, dass
keen eis de System lamleet, well et ass bewisen, dass
d'Sécuritétsstuf vum gudden ale System nach de Mo-
ment absolut iwwer allem ass, par rapport zu alle
Systemer.

Ech si mat allem d'accord – mee roueg a sachlech!
An da musse mer och fir d'Éischt d'Sécuritéit an d'Rei
kréien an da kënnen mer och kucken, dass mer op Elek-
tronik kommen. Ech mengen, domat si mer all d'ac-
cord, mee schéin der Rei no, an an dësen Zäiten ass
dat doten effektiv en heikelt Thema, well mir hunn e
Méindeg héieren, wat et ass, wann alles lamläit.

Merci.

Une voix | Très bien!

M. Fernand Etgen, Président | Merci, Madamm
Beissel. Dann huet nach den Här Sven Clement d'Wuert
gefrot.

M. Sven Clement (Piraten) | Merci, Här President.
Ech wosst net, dass den Här Roth mat där Propos géif
kommen, soss hätt ech nach direkt a menger Ried
drop reagiert. Also, fir eis Piraten ass et ganz kloer
esou, dass Aidé fir ze wile kee Problem duerstellen.
Wat awer ganz kloer ass, ass, dass et keen Online-
system därerf sinn. Et muss offline stattfannen an et
muss eng Pabeierstrace vum Vott ginn, déi och déi
Persoun, déi ofstëmmt, ka verifizéieren, éier se se
an d'Urn pucht. Mir kënnen eis ganz gutt e Modell
virstelle mat Ecran tactile, wou ee ka säi Walziedel
ausfëllen, wou et och Basisverifikatiounen gëtt, wou
een drop higewise gëtt, wann ee grad amgang wär,
eppes ze wile, wat net geet.

Wat een awer ganz kloer muss soen, ass, dass déi Re-
sultater a) net online därferf sinn, soudatt eng Hacker-
attack vu baussen ausgeschloss ass, an et gläichzäiteg
och ganz kloer muss esou sinn, dass et eng Tracabilitéit
gëtt vum deem Vott, deen duerno nach ëmmer kann
ausgezielt ginn um Pabeier.

Well einfach nëmme engem Computerchip ze ver-
trauen ... Dir wësst et, ech kommen e bëssen aus dem
Metier, ech vertraue Computere ganz vill, mee ech hu
vun deene wichtigste Saachen awer och Pabeierback-
uppen, an dat huet seng Grënn. A grad bei Walen, wat
awer kruzial wichtig ass, muss ee sécherstellen, dass
eng Wiel, déi een um Ecran mécht, och herno genau
esou kontabiliséiert gëtt, an dat geet just doriwwer,
dass een och eng Pabeierstrace herno huet.

M. Fernand Etgen, Président | Merci, Här Clement.

D'Regierung huet d'Wuert, den Här Premier- a Staats-
minister Xavier Bettel.

Prise de position du Gouvernement

M. Xavier Bettel, Premier Ministre, Ministre d'État |
Merci, Här President. Fir d'Éischt dem Här Arendt merci
fir de schrëfflechen a mëndleche Rapport. Dir hutt et
virdu och scho gesot: Et geet hei ëm Inklusioun. Ver-
schidde Leit soen: „Endlech!“ Ech wëll just drun erën-
nere, dass en Deputéierten, wann en esou presséiert
ass, och Proposition-de-loi ka maachen. Dass ass awer
just ...

(Interruption)

Et ass eng Fakultéit, just fir drun ze erënnere, mee et
ass ëmmer gutt, fir hei Saachen esou theatralesch ze
fuerdere. Ech si frou, dass dat op jidde Fall geschitt.

(Interruption)

Ech wëll dem Här Gloden just Bescheed soen, dass de
Logo vum der CSV wäert blo, wäiss an orange sinn op
den nächste Walziedelen, mat e bësse schwaarz. Et
gëtt och e mofe mat schwaarz, et gëtt och gréng mat
hellgréng, et gëtt rout mat wäiss an et gëtt blo mat
engem rouden Tëppelchen an et gëtt och e schwaarz
mat engem klengen rouden Eck an ech weess net, wat
nach alles ass. Mee dat heescht, dass se och faarweg
wäerten drop sinn. Et geet jo och drëm, fir hei Saa-
chen ze facilitéieren.

Zum Vote électronique, Här President, wëll ech Iech
soen, dass et verschidde Länner gëtt, déi Experienze
gemaach hunn, déi et agefouert hunn, déi et nees
eweckgehol hunn. En anert Land, Estland, do kann ee
souguer de Vote par correspondance online maachen.
Dat sinn och Méiglechkeeten, déi et do gëtt. Ech sinn
net hermeesch zu all Decisioun, mee Dir verstitt,
dass mer an dräi Méint Chamberswalen hunn, an ech
ka mech och net engagéieren, wat eng nächst Regie-
rung wëll maachen. Ech kann Iech just garantéieren,
dass hautdesdaags dat Digitaal zum Alldag gehéiert.
Et gëtt Risiken, sou wéi d'Madamm Beissel och gesot
huet. Dass heescht, et muss just sécher sinn, net dass
mer e Bug hunn an dass herno Dausenden an Dau-
senden an Zéngdausende vu Stëmme op eng Kéier
verschwannen.

Mir wëssen, dass mer e System hu vum der Walkabinn,
wou mam Crayon ... Ech wëll Iech just drun erënnere,
dass dat och nach Diskussiounen vu verschidde Leit wa-
ren, firwat e Crayon géif benotzt ginn an net e Bic. Ech
trauen deene Leit an de Walbüroen, déi déi doten Aar-
becht maachen. Et géif d'Aarbecht facilitéieren, wann
d'Leit an enger Walkabinn de Choix kéinten hunn. Dat
kann ee jo dann allogen, ob een dann en digitale Vott
oder dee manuelle Vott wëll hunn. Ech sinn op jidde
Fall net hermeesch dozou, mee Dir verstitt, dass ech
mech net engagéiere ka fir eng nächst Regierung.
Ech soen op jidde Fall der Chamber Merci, dass dat

heiten, sou wéi den Här Clement gesot huet, endlech och geschitt.

M. Fernand Etgen, Président | Merci dem Här Premier-minister. Parole après ministre fir den Här Clement.

M. Sven Clement (Piraten) | Jo, ech wëll just eppes kloerstellen, Här President. Als President vun der Commission de vérification des pouvoirs hu mer 2018 eng ganz Rëtsch Problemer bemierkt am Waloflaf, och an de Prozeduren, eebe well Saachen deelweis falsch ausgefëllt goufen, falsch gestempelt ginn, net gestempelt ginn, net ënnerschriwwen ginn. Déi ganz Prozedur ass nach relativ almoudesch, a mir hu bei de Gemengewale gesinn, datt et zu Interpretationsdifferenze féiert. Mir gesinn et och elo warscheinlech erëm.

Mir hunn deemools als Chamber, als Institutioun, de Staatsministère als Institutioun kontaktéiert, fir ze kucken, wéi eng Léisungen ee kéint an e Projet de loi oder eng Proposition de loi maachen. Dat ass elo bal fënnf Joer hier a mir sinn deemools higehale gi mam Argument, de Staatsministère géif souwiso mat enger Reform vum Walgesetz kommen. Mir hunn haut de Moie beim ASBL-Gesetz gesinn, datt Proposition-de-loien, déi vun der Opposition deposéiert ginn – och viru fënnf Joer – elo einfach kommentarlos iwwerholl ginn an da schlussendlech net emol eise Projet agebaut gouf, formell, mee einfach ignoréiert gëtt. Dofir, jo, et ass all Deputéierte säi Recht, eng Proposition de loi ze maachen. Et ass awer net esou, datt en dat ëmmer probéiert ze abuséieren. A wann de Staatsministère seet: „Mir schaffen un enger Reform“, da wëlle mir konstruktiv heibannen als Chamber dodrunner matschaffen. Mee ech stelle fest, datt op ganz ville Punkten awer dat, wat an den Avice vun 2018 an 2019 steet, net gemaach gouf. Ech sinn awer frou, datt dat heite Gesetz gemaach gouf.

M. Fernand Etgen, Président | Merci, Här Clement. D'Diskussioun ass elo ofgeschloss.

Mir kommen elo zur Ofstëmmung iwwert de Projet de loi 8150. Den Text steet am Document parlementaire 8150⁴.

Vote sur l'ensemble du projet de loi 8150 et dispense du second vote constitutionnel

D'Ofstëmmen fänkt un. Mir maachen de Vote par procuration. De Vott ass ofgeschloss.

De Projet de loi ass eestëmmeg mat ... Nee, en ass mat 59 Jo-Stëmme bei kenger Nee-Stëmm a kenger Abstentiuon ugeholl.

Résultat définitif après redressement : le projet de loi 8150 est adopté à l'unanimité des 60 votants.

Ont voté oui : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Mme Elisabeth Margue, M. Georges Mischo (par Mme Nancy Arendt épouse Kemp), Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes (par M. Laurent Mosar), Claude Wiseler et Michel Wolter (par Mme Octavie Modert) ;

Mme Barbara Agostino, MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusty Graas, Mme Carole Hartmann, MM. Pim Knaff, Claude Lamberty et Mme Lydie Polfer ;

Mme Simone Asselborn-Bintz, M. Dan Biancalana, Mmes Tess Burton, Francine Closener (par M. Dan Biancalana), MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova (par Mme Josée Lorsché), M. François Benoy, Mmes Djuna Bernard, Stéphanie

Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen) ;

MM. Sven Clement et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

3. 8036 – Proposition de loi portant modification de la loi modifiée du 27 février 2011 sur les enquêtes parlementaires

Als zweete Punkt um Ordre du jour kënn d'Proposition de loi 8036, eng Ofännerung vum Gesetz iwwert d'Enquêtékommisioun. An de Rapporten, den hono-rabelen Här Charles Margue, huet direkt d'Wuert.

Rapport de la Commission des Institutions et de la Révision constitutionnelle

M. Charles Margue (déi gréng), coauteur-rapporteur | Merci, Här President. Léif Kolleeginnen a Kol-leegen, mam zweete Vott vum neie Verfassungstext Enn vum leschte Joer, deen elo an der Nuecht vun e Freideg op e Samschdeg wäert a Kraaft trieden, war dës wichteg Reform kengesweegs scho fäerdeg. Mir haten eis d'Wuert ginn, dass mer eis géife virum 1. Juli eens ginn, fir dat ze reegelen. Dat ass elo geschitt an hei ass d'Gesetzpropos vun de Mëtteg.

Parallèll zur Finalisatioun vun de véier Kapitelbléck hate mer an der Institutionskommissioun och schonns ugefaangen, déi vun den neien Dispositiounen betraffe Gesetzestexten op de Leescht ze huelen, fir se zäitno, dat heescht méiglechst virum Akraafttriede vun der neier Verfassung, nach kënnen unzepassen.

Déi elo grad gestëmmte Proposition de loi 8150 zum Walrecht am Fall vun enger Tutelle war de Mëtteg déi éischt Proposition an deem Verfassungsreformkon-text, an ech hunn ech elo d'Éier an d'Aufgab, Iech als Rapporten eng weider Proposition de loi, d'Nummer 8036 iwwert d'parlamentaresch Enquêtékommis-sioun, virzustellen.

Fir der neier Verfassungsdispositioun gerecht ze ginn an hiren Exercice ze encadréieren an nach e puer wei-der punktuell Froen ze klären, déi sech bei de leschte Commissions d'enquête gestallt hunn ... Pardon ...

(M. Charles Margue consulte ses notes.)

Hei hat ee recto verso gedréckt, da kann et schifgoen.

(Hilarité)

Voilà, zweet Säit uewen. Dat ass dann déi zweet vun insgesamt véier verfassungsrelevante Propositions de loi, déi mer haut de Mëtteg elo um Ordre du jour hunn an déi mer awer och nach, wéi gesot, virum 1. Juli evakuéiert kréien.

Während den nach aktuelle Verfassungsartikel just kuerz festhält, dass d'Chamber den Droit d'enquête huet, mee all weider Detailler dem Gesetz iwwer-léist, preziséiert den neie Verfassungsartikel 81 elo de Seuil, fir esou eng Kommissioun anzesetzen. Ech hunn dat selwer hei rapportéiert: „La Chambre des Députés a le droit d'enquête. La loi règle l'exercice de ce droit. Une commission d'enquête doit être insti-tuée si un tiers au moins des députés le demande.“

Mat dëser Proposition de loi adaptéiere mer deem-no dat besteeënd Gesetz iwwert d'Enquêtes parle-mentaires, wat d'Gesetz vum 27. Februar 2011 ass

iwwert d'Enquêtékommisioun, wéi gesot, mat deem duebelen Objektiv: fir der neier Verfassungsdisposi-tioun gerecht ze ginn an hiren Exercice ze encadréie-ren an nach e puer weider punktuell Froen ze klären, déi sech an de leschte Commissions d'enquête ge-stallt hunn.

D'parlamentaresch Enquêtékommisioun ass en es-sentiell wichteg Instrument vun der Chamber, fir d'Aarbecht vun der Regierung ze kontrolléieren. De Seuil, deen néideg war, fir se anzesetzen, war bis elo d'Majoritéit vun den Deputéierten. Den neie minoritéaire Seuil vu just 20 Deputéierten oder méi wäert deemnächst d'Asetz vum esou Kommissiou-nen daitlech méi einfach maachen, an et kann een dervun ausgoen, datt hir Unzuel iwwert déi nächst Legislaturperioden dierft klammen.

Och dofir ass et ëmsou méi wichteg, datt mir mat der virleiender Propos de Kader fir de Gebrauch an den Oflaf vun esou Enquêtékommisioune méiglechst kloer an detailléiert reegelen an dass d'Rechter, d'Flichten an d'Responsabilitéite fir all d'Bedelegt kloer sinn.

Bei de Viraarbechten huet d'Cellule scientifique vun der Chamber eis drop higewisen, datt et zanter 1945 wuel just fënnf esou Enquêtékommisioune vum Lëtzebuerger Parlement gi sinn, eng Partie vun Iech wësse besser, vu wat ech schwätzen. Et gouf der zwou an den 1980er-Joren, eng an den 1990er-Joren, eng an den 2000er-Joren an déi lescht, dat ass elo schonn iwwer zéng Joer hier, datt war 2012.

Et ass deemno zu Lëtzebuerg bis ewell eng éischter rar an aussergewöhnlech Praxis. Dat ass awer bei Wäitem net iwwerall esou. Bei eise franséischen Nopere-n huet d'Assemblée nationale zum Beispill eleng an der viregter Legislatur 2012 bis 2017 ganzer 16 esou En-quêtékommisiounen agesat.

Dat ass allerdéngs net de Modell, dee mer elo hei als Institutionskommissioun ustriewen, well och scho weesentlech manner Enquêtékommisiounen eis ronn zéng mol méi kleng Chamber an eis op vill Fach-kommissiounen verdeelt 60 Deputéierter géife ganz séier en Zäit- a Capacitéitslimte bréngen.

De Commentaire d'article zur Verfassungsännerung huet de Sënn an Zweck esou beschriwwen: „Une commission d'enquête a pour objet de recueillir des éléments d'information afin d'éclaircir une situation ou thématique spécifique afin d'aboutir à une meil-leure compréhension de la problématique, d'explorer d'éventuelles questions de responsabilité, d'en pou-voir tirer des conclusions et d'adopter le cas échéant des recommandations visant à améliorer l'action publique.“

Wat sinn elo déi konkret Ännerungen um Gesetz vum 27. Februar 2011? Et gëtt méi kloer definéiert, wéi eng Enquêtékommisioun kann ugefrot an age-sat ginn, wéi hir Missioun definéiert gëtt, wéi laang se schaffe kann – am Prinzipp sechs Méint –, wéi hiert Mandat kann ëm dräi Méint verlängert ginn, wéi hir Missioun ka modifizéiert ginn, wéini hir Missioun op en Enn geet, zum Beispill bei Walen, wéi eventuell Avis minoritaires traitéiert ginn a wéini en Tëscherap-port noutwendeg ass.

Et gëtt och eng Karenzzäit vun zwielef Méint age-fouert, bannent där nei Enquêtékommisioune mat der identescher Missioun, déi grad cloturéiert gouf, net kënnen frësch lancéiert ginn. An et gëtt och fest-gehalen, datt ab sechs Méint virun den nächste Wale keng nei Commission d'enquête méi dierf lancéiert ginn.

An da ginn och nach d'Rechter vun de Persounen, déi gehéiert ginn, méi kloer am Gesetz definéiert. Esou